

— 7 —

Ha pa oue dirazan e presant e c honje :
 Ia, Sir, emezi, me zo bet en arme ;
 Goud a ran an exerciç ha mania eur zabren,
 Ha lakat da dehel meur o adversourien.

Ar Roue mad neuze n'eus-hi recompancet,
 Vel eur zoudard vaillant en devoa merttet,
 Rac-se, merc'hed yaouanc, redit oll d'an arme.
 Hac o po recompanç ive gant ar Roue.

Chanson ar Marichal

Var eun ton gallec

Me a zo eur Marichal paour,
 Mes preferi a ran d'an aour
 Plijadur ha laouenidiguez.
 O ! pegen douç eo va etat !
 P'en em laquan da labourat !
 E lavar va anter-tieiguez :
 To to to ; sco ato, to to to, ha sco piquant,
 Pa zomp hon daou var an attant.

Diouz an noz ha diouz ar mintin,
 Pa blant va greg c'hoaz er veguin,
 E velfec'h an tan o furori
 An ouarn zo rus en eun tol ;
 Gant an adress e crog er morzol ;
 Gout a ra e laquat da c'hoari.

To to to.

— 8 —

Certen, sonjal a rit, tud vad,
 E zeo poanius bras va état ;
 Mes va Janned a voar ar féçon
 D'am zoulaji ha d'am zicour :
 Pa za daou-anter al labour :
 Yan, emezi couraj, va mignon.

To to to.

An anneau a meus na uz tam,
 Coulz eo hac unan nevez-flam ;
 Caer a meus varnezi labourat,
 Biquen james ne za da fall :
 Squei a ra vel eun den dall ;
 Bepred e lavar va c'hamarad :

To to to.

Va c'hovel a zo tom bepred,
 Va brelum a zo douç meurbet :
 Toull an dour a zo em c'hichennic.
 Evit trompa, pa meus ezom,
 Hep labour n'oufen james chom,
 Re goant e lavar va Jannedic ;
 To to to, sco ato, to to to ha sco piquant
 Pa zomp hon daou var an atant.

